



Ukuhlomisa izingane zethu  
ngelikusasa

SS 3

**Isihloko sesifundo: UJosefa, umhumushi wamaphupho**

# Umhlahlandlela womzali

Isikole sangeSonto    Isikole sasekhaya



# Mzali Othandekayo

Uyamukelwa kusifundo: **UJosefa, umhumushi wamaphupho**

Lomqulu ukunika umhlahlandlela ofanele wokuba ungasethula kanjani lesi sifundo.

Ungasilungiselela futhi uthule kanjani lesi sifundo

Nanka amanye amasu ngezansi wokulungiselela nokwethula lesi sifundo:

| Isinyathelo | Okufanele ukwenze                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                            |
|-------------|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| 1.          | Finyelela ku Webhusayithi ye-New Apostolic Church ngokufaka noma ngokuchofaza kusixhumanisi esilandelayo kusuka ku-WhatsApp:<br><a href="https://bit.ly/3NACSSHS">https://bit.ly/3NACSSHS</a>                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                |
| 2.          | <p>Qoqa lezizinsiza zokufunda ezilandelayo ukuze uqiniseke ukuthi usihlomele lesisifundo:</p> <ul style="list-style-type: none"><li>• IBhayibheli</li><li>• Isifundo ngefomethi ye-PDF esivele silungisiwe</li><li>• Incwadi yengane yokusebenzela kanye namapensele, amakhilayoni, njll.</li><li>• I-Vidiyo kiliphi okuyisiza sokufunda esingezekile / isisiza sokufunda ongazikhethela ngokuthanda kwakho</li><li>• Ikhathekizimu yemibuzo nezimpendulo (Ikakhulukazi kulesisifundo sesiQinisiso).</li></ul> <p><b>Qaphela:</b></p> <p>2.1: Isikhathi esifanele sokuthulwa kwalesisifundo, kungemuva kwenkonzo yangeSonto ekuseni, ngokuhambisana nesikhathi sesikole sangeSonto ukuze kugcinwe inqubo yesikhathi esijwayelekile.</p> <p>2.2: Kepha lesifundo singenziwa nangesikhathi esihambisana nenqubo yomndeni wakho.</p> <p>2.3: Uyacelwa ukuba ugcine isifundo sibe mfushane uma kunokwenzeka, khumbula izinga lokunaka kwezingane zethu (gxila esifundweni) - uyazi kangcono ingane yakho!</p> <p><i>Isikole sangeSonto ngokuvamile asidluli imizuzu engama-45.</i></p> <p>2.4: Uyacelwa uthinte uThisha wakho wesikole sangeSonto uma udinga noma yiluphi usizo noma uma udinga ezinye izinsizakufunda kulezi ezingenhla.</p> <p>2.5: Uma isifundo sesiphothuliwe nengane yakho, uyacelwa ukuba wazise Isikole sangeSonto ukuze kugcwaliswe irejista ku MIS.</p> |
| 3.          | Khuleka (bheka umkhuleko osekugcineni kwalomqulu) bese ucela uNkulunkulu ukuba akusebenzise njengethuluzi ukwethula isifundo ngendlela Yena afuna ukuba uthule ngayo.                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                        |



# Fundisa lesisifundo sesikole sangeSonto ekhaya

Ungasilungiselela futhi usifundise kanjani lesisifundo

Siyaqhubeka nokwabelana ngezululeko ezithile zokuthi ungasilungiselela futhi usifundise kanjani lesisifundo:

| Isinyathelo | Isenzo                                                                                                                                                                        |
|-------------|-------------------------------------------------------------------------------------------------------------------------------------------------------------------------------|
| 4           | Yenza indawo ilungele ukufundisa engenaziphazamiso lapho wena nengane / nezingane nisezingeni elifanayo.<br><br><b>Isibonelo:</b> Hlala phansi ocansini noma eduze kwetafula. |
| 5           | Funda kulesisifundo. Phinda ufunde futhi isifundo ukuze usiqondisise kahle. Bukela lesisifundo sevidiyo kiliphu ukuze uthole ukuqonda okungcono ngalesisifundo.               |
| 6           | Zenzele amanothi ngamaphuzu abalulekile ongathanda ukuwakhumbula.                                                                                                             |
| 7           | Yazi inhloso yalesisifundo ingane yakho okufanele siyikhumbule.                                                                                                               |
| 8           | Yethula lesisifundo enganeni yakho noma uyifundele lenandaba uma uthanda.                                                                                                     |
| 9           | Khombisa ingane yakho ividiyo bese uphinde ubuyekeze incazelo yayo.                                                                                                           |
| 10          | Khombisa ingane yakho umsebenzi okufanele iwenze encwadini yayo yokusebenzela.                                                                                                |
| 11          | Khuleka, noma ucele ingane yakho ukuba ikhuleke bese uphetha isifundo.                                                                                                        |

Izinsiza zokufunda ezitholakalayo mayelana nokufundisela ekhaya.

Nazi ezinye izinsiza zokufunda zokungezelela lesisifundo sibe sezingeni leqophelo:

1. I-WhatsApp. Xoxani ngesifundo se **SS 3** nomunye umndeni osifundayo nawo.
2. Xoxisanani ngesifundo nabanye abazali ukuze uthole ukuchazeleka kahle mayelana nesifundo ngaphambi kokuba sifundiswe.
3. Khululeka ukwenza olwako ucwaningo ukuze uthole ulwazi olungezekile.
4. Khuluma noMxhumanisi wesikole sangeSonto webandla lakho noma uThisha wesiKole abazimisele ukukusiza.



## Isifundo

|                             |                                                                                                                                                       |
|-----------------------------|-------------------------------------------------------------------------------------------------------------------------------------------------------|
| <b>Isihloko</b>             | UJosefa, umhumushi wamaphupho                                                                                                                         |
| <b>Umbhalo weBhayibheli</b> | UGenesise 39: 20-23 noGenesise 40                                                                                                                     |
| <b>Inhloso yesifundo</b>    | Izingane zifunda ukuthi uNkulunkulu unabaKhe ngesikhathi lapho bemdinga khona. Ngisho nasezimeni ezinzima kufanele sibeke ithemba lethu kuNkulunkulu. |

## Isifundo esifingqiwe:

Isifundo sifuna ukukhombisa ukuthi noma singaziqondi izinsuku ezimbi ezimpilweni zethu, kepha uNkulunkulu unecebo. Ufuna ukusibusisa futhi asivikele.

- Ngesikhathi uJosefa esetlongweni, iNkosi yayinaye.
- Unogada wejele wahlatshwa umxhwele kakhulu nguJosefa futhi wambeka ukuthi aphaathe zonke ezinye iziboshwa kanye nemikhuba yansuku zonke ejele.
- Ngolunye usuku, umphathi wabaphathizitsha nenduna yabaphekizinkwa bamthukuthelisa, base befakwa ejele lapho uJosefa ayegcinwe khona.
- Umphathizitsha nomphekizinkwa batshela uJosefa ngamaphupho abo angajwayelekile.
- Umphathizitsha waqale wathi: “Ephusheni lami, ngibone umvini unamagatsha amathathu kuwo. Lapho amaqabunga ephuma, aqhakaza futhi amagilebhisi avuthwa. Bengiphethe indebe kaFaro esandleni sami, ngakho ngathatha amagilebhisi, ngawakhamela enkomishini ngamnika wona.”
- UNkulunkulu wabe esesiza uJosefa ukuba ahumushe leli phupho: “Amagatsha amathathu ayizinsuku ezintathu. Ezinsukwini ezintathu uzobuye ukhululeke, futhi uFaro uzokubuyisela emsebenzini wakho.” Umphathizitsha wajabula kakhulu futhi wathembisa ukumkhumbula uJosefa uma esekhululiwe nokuthi uzocela nenkosi ukuthi imkhulule.
- Ngemuva kwalokho umbhaki wabika iphupho lakhe: “Ekhanda lami kwakukhona obhasikidi abathathu bezinkwa. Kubhasikidi ophezulu kwakukhona yonke inhlobo yezinkwa ezibhakelwe uFaro, kepha izinyoni zazikudla eqomeni elisekhanda lami.”
- UJosefa wayenezindaba ezesabekayo ngombhaki. “Obhasikidi abathathu bayizinsuku ezintathu. Zingakapheli izinsuku ezintathu, uFaro uzakuphakamisa ikhanda lakho, abethele umzimba wakho esigxotsheni, izinyoni zikhumpule inyama yakho.”
- Ezinsukwini ezintathu kamuva kwaba wusuku lokuzalwa kukaFaro futhi waba nedili elikhulu lezikhulu zakhe.
- Wayalela ukuba umbhaki nomphathindebe bakhe bavele phambi kwakhe. Badedelwa ngokushesha ejele.
- UFaro wamxolela umphathi wabaphathizitsha, wambuyisela nomsebenzi wakhe. Wabe eseyalela ukuba umbhaki abulawe, njengoba uJosefa wathi kuzokwenza.
- Lapho umphathi wezinduna esebuyile enza umsebenzi wakhe, wakhohlwa konke ngoJosefa futhi akazange abike ngosizo lwakhe kuFaro. UJosefa, waqhubeka ngokuthembela eNkosini ngokubekezela.



## Ingabe sisho ukuthini lesisifundo kithina namhlanje na?

- UNkulunkulu wayenoJosefa, ngisho nasejele. UJosefa wathemba uNkulunkulu futhi uNkulunkulu wamsiza.
- UNkulunkulu usinikeza usizo uma sithembela kuYe.
- Kwesinye isikhathi kungabonakala sengathi iNkosi isikhohliwe, kepha iNkosi ayikhohlwa neyodwa yezingane zaYo. Usondele kithi futhi uyasikhathalela.
- Kwesinye isikhathi izinto zenzeka kithi ukuvivinya ukubekezela nokwethembela kwethu kuNkulunkulu.

**Lapho izinto zingahambi ngendlela yakho bekezela futhi uthembele esikhathini esifanele sikaNkulunkulu.**

## Eminye imibuzo esingayibuza:

- 1. Ingabe ngamaphupho kabani uJosefa awahumusha esejele na?**  
**Impendulo:** Umphathindebe omkhulu kanye nombhaki omkhulu
- 2. Ingabe uJosefa wathi amaphupho abo ayesho ukuthini na?**  
**Impendulo:** Ezinsukwini ezintathu umphathizitsha wayezobuyiselwa umsebenzi wakhe kuthi umbhaki uzobulawa
- 3. Ingabe yini uJosefa acela umphathindebe ukuthi amenzele yona na?**  
**Impendulo:** Ukukhumbula uJosefa nokucela inkosi ukuthi nayo imkhulule
- 4. Ingabe umphathi wabaphathizitsha wasigcina yini isithembiso sakhe kuJosefa na?**  
**Impendulo:** Cha, wakhohlwa-nje nya ngoJosefa.

## UMkhuleko kaBaba noMama ngaphambi kwesifundo:

*Nkulunkulu othandekayo, ngiyakubonga ngalolusuku*

*Busisa bonke abazali nezingane*

*Sengathi singabuzwa ubukhona baKho*

*Busisa isifundo esizoba naso*

*Sicela usifundise ukukukhonza*

*Futhi usisize ukwenza intando yaKho*

*Ukuze sikhule sisondele kuWe*

*Thumela uJesu azosilanda*

*Futhi kwangathi singalungela ukuhlangana naYe*

*Amen*